



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Antidota Evangelica contra horum temporum hæreses**

**Stapleton, Thomas**

**Antverpiae, 1595**

Ver. 1. Prædicans in deserto Iudææ.

**urn:nbn:de:hbz:466:1-39546**

tum est, in medium prolatæ sunt, omnium iudicio relinquimus ipsum Caluinum crassæ admodum inscitiae non conuincant, ut ad hanc accusationem tam atrocem hoc loco instituendam, iusta Dei vindicta obstupefactus videri queat, ut omnium ludibrio pateret, tum inscitia eius, tum maledicentia: cui (ut in sequentibus demonstrabitur) euangelicam veritatem adulterare & in mendacium vertere nulla religio, perpetua consuetudo est.

## IN MATTHÆI CAP. 3.

Ver. 1. *Prædicans in deserto Iudeæ.*

**M**AXIMA est hoc loco, pertinax, & generalis omnium hodie hæreticorum impietas, Scripturæque euangelicæ deprauatio. Negant enim in uniuersum omnes Ioannem Baptistam in aliquo deserto propriè dico, in solitudine aut eremo aliqua vixisse, sed solum domi paternæ in locis montanis ac saltuosis vitam egisse. Quod dicitur *Ioannes concionatus in solitudine* (ait in hunc locum Beza) non est ita accipiendum quasi fugerit hominum conspectum, ut ij postea fecerunt qui dicti sunt Eremite: sed desertum ex vulgi consuetudine hic baptistæ vocatur regio saltuosa, in qua habitabat Zacharias, ut scribitur *Luc. 1. Ibi quoque fuisse domum Ioab legimus 2. Reg. 2.* & huius deserti sex oppida numerantur *Iof. 15.* Hæc Beza. Nempe quia *Lucæ 1. Zacharias pater D. Ioannis* dicitur habitasse in montanis in ciuitate Iudeæ, argumentum capiunt isti hæretici, *Ioannis desertum nihil aliud fuisse quam domum paternam in locis montuosis positam.* Sed eoru ignorantia

B rontia

rantia dupliciter refellitur. Primum quia domus seu habitatio Zachariæ *in montanis in ciuitate Iudee* fuisse dicitur, eo quod illa ciuitas esset in monte Iudee posita, & ciuitas sacerdotalis nomine Hebron celeberrima, in qua 7. annis regnauit David de tribu Iudee. Hanc enim ciuitatem in monte Iudee filius Aaron, ex quibus Zacharias erat, forte datum fuisse, manifeste patet Iosue cap. 21. Ideoque D. Lucas satis habuit nominasse illam *ciuitatem Iudee in montanis*. Nulla enim alia erat ciuitas sacerdotalis in monte Iudee præter istam. Hæc ergo ciuitas sacerdotalis Hebron antiquitate & nobilitate celeberrima, desertum D. Ioannis nullo modo esse potuit, si in ea semper mansisset.

Deinde in hoc etiam turpiter errant hæretici, quod Ioannem in domo paterna habitasse, & in ea ciuitate prædicasse affirmant. Si enim desertum Iudeæ quod hic Matth. dicit, est regio saltuosa, in qua habitabat Zacharias, ut affirmat Beza, necessariò sequitur quod in ea regione ubi habitavit Zacharias, prædicauit. Ait enim Matthæus, *Prædicans in deserto Iudeæ*. At verò Ioannem prædicasse circa Iordanem, qui à montanis Iudeæ remotissimuserat, tres Euangelistæ conformiter docent. Præterea D. Ioannem in domo aut ciuitate paterna nec habitasse nec prædicasse, tota antiquitas una voce attestatur; cuius testimonia in Prompt. Cath. Dom. 2. Aduentus vide. Sed hic pauca addemus. Petrus Alexandrinus Episcopus & Martyr in regulis ecclesiasticis can. 3. quas recepit & probauit Sexta Synodus cap. 1. refert S. Elizabetham cum paruulo suo Ioanne in desertum fugisse, quum ab Herode ceteri infantes ad necem quererentur; non quod ille in finibus Bethlehem esset, ideoque edicto comprehensus,

sed,

sed quod de eius admirada nativitate magnus timor  
esset super omnes vicinos eorum, & quod diuulgarentur om-  
nia verba hæc, ut scribit Lucas; ideoque etiam ad Cap. 1.  
Herodis aures suspiciosi tyranni peruenirent.  
Idem scribit Nicephorus in hist. Ecclesiastica, & Lib. 1.  
Cedrenus in complemento ad annales Zonaræ. cap. 14.  
Propter hanc fugam in desertum Zacharias pa-  
ter Ioan. Baptistæ inter templum & altare occi-  
sus est, quia locum fugæ prodere noluit, ut gra-  
uissimi authores testantur. Cyrillus Alexand. ad-  
uersus Anthropomorphitas, Origenes in Matth.  
tract. 26. Greg. Nyssenus in serm. de Christi nat.  
Basilius in homil. de humana Christi generat.  
Certè in Prato spirituali authore Sophronio  
cap. 1. describitur spelunca D. Ioannis in deserto  
nō longè à Iordanis ripa, cuius etiam meminisse  
videtur Beda in tract. de locis sanctis cap. 13. Po-  
strem D. Ioanne in eremum tota vita incoluisse, Ioan. Bap-  
& hoc ipso nomine eremitarū patrem esse (quod  
hæretici ferre nullo modo possunt) præter autho-  
res in Prompt. Cath. citatos disertissimè scribit  
Chrysostomus his verbis. *Sicut sacerdotum principes*  
Homil. 1.  
*sunt Apostoli, ita & monachorum princeps Ioan. Baptista.* in Marcū.  
Rursum in hom. de Ioanne Baptista. Considerate  
monachi dignitatem vestram. Ioannes princeps vestri est  
dogmatis. Ipse monachus statim ut natus in eremo viuit, in  
eremo nutritur. Sic ad Eustochiū D. Hieronymus. Epist. 22.  
Huius vitæ eremiticæ auctor Paulus, illustrator Antonius,  
& ut ad superiora concendam, princeps Ioannes Baptista.  
Impudenter igitur Beza cæterique hæretici ne-  
gant hoc desertū Ioan. Baptista veram eremum  
fuisse, & vitā solitariā eum duxisse; quod magis  
adhuc in vita & vestitu eius postea apparebit.

Interim coniecturis vel mendacijs potius Be-  
zanis breuiter respondendum. Per desertum hæc

B 2 loca

**Baze fig-** loca saltuosa in quibus habitatbat Zacharias, intelligi non posse, iam ostensum est. Ex vulgi con-  
**mentum** refutatur. suetudine desertum sic vocari probare vult duobus argumentis. Primum quia in locis saltuosis  
 fuisse domum Ioab legimus 2. Reg. 2. ver. 34. Sed  
 hoc purum mendacium est. Illo enim loco de do-  
 mo Ioab nihil aliud dicitur, quam quod Hasael,  
 frater eius sepultus esset cum patribus suis in Beth-  
 lehem. Secundò quia Iosue cap. 15. huius deserti  
 sex oppida numerantur: quod iterum aliud men-  
 dacium est. Quamuis enim illo in loco scribatur,  
*In deserto Betharaba ciuitates sex & villa earum*, tamen  
 nec desertum Betharaba, quod ad fortem tribus  
 Iudee pertinebat, desertum in quo Ioannes prædi-  
 cabat esse potuit, qui circa Iordanem prædicauit,  
 qui fuit terminus possessionis filiorum Ruben, &  
 à terra Iuda remotissimus; nec propriè illud de-  
 sertum aut solitudo erat, quale Ioannis desertum  
 fuit, quod vox hebraica longè diuersa satis indi-  
 cat. Nam in Iosue vox est נָהָר quod loca magis  
 mōtosa & habitata quam siluetria & vasta desi-  
 gnat. Sed in Matthæo Syro vox est אֶגְיֹנָה à ra-  
 dice נָהָר quod propriè desolare & destruere sig-  
 nificat, quo verbo significantissime utitur Eze-  
 chiel cap. 29. ver. 10. *Dabo terram Aegypti in solitudi-  
 nes, gladio dissipatam: נָהָר* id est, in solitu-  
 dinis solitudinis, siue in vatilissimā solitudinem.  
 Tale erat desertum Ioannis Baptiste, non quale  
 fingunt molles heretici; vocatur autem desertum  
 Iudee, quia quum Matthæus scribebat, tota Iu-  
 dæa ad Iordanem usque se extendebat, quæ ad  
 distinctionem Samariæ sic vocabatur.

Ios. 13.

Ver. 2.